

佛本行集經


經

卷六十一

十
籍

一
百三

49765



1 1

佛本行集經卷第六十

籍

隋天竺三藏法師闍那崛多譯

摩尼婁陀等因緣品下

爾時佛告諸比丘言汝諸比丘彼時賊人在
於辟支佛塔之前益燈明者其人是誰莫作
異見摩尼婁陀比丘是也摩尼婁陀往昔作
於大居士子名曰大財於後復作行賊盜人
為辟支佛舍利塔中添益燈油以清淨心乞
如是願願我來世莫生惡道由彼業報生世
不曾墮惡道中恒於天人往反受樂而於彼
時復乞是願願我來世恒常值遇如是世尊
或勝此者彼所說法願我速解由彼業報今



得值我如是世尊復於我邊獲得出家受具
足戒而於彼時復乞是願願我於彼世尊所
有弟子之中得天眼者我爲第一由彼業報
今於我法聲聞弟子得天眼中其第一也

汝諸比丘摩尼婁陀昔有如是種殖善根由
彼業力今得出家受具足戒得羅漢果汝諸

比丘我復授記於我聲聞弟子之中摩尼婁
陀最爲第一

復有一時世尊在於波羅捺城舊仙居處鹿
野苑中彼時天雨長老阿難詣向佛所頂禮
佛足却住一面住一面已白言世尊今日天
雨無有飲食當作何計令諸比丘過一日夜

佛告阿難汝莫愁也摩尼婁陀比丘現在福
力甚強今日比丘應當得過一日一夜

尔時長老摩尼婁陀詣向佛所到已頂礼却
住一面而白佛言世尊今者受我微供若食
我食堪令一切諸比丘等過一日夜於時世
尊嘿然受許

尔時長老摩尼婁陀於晨朝時著衣持鉢往
至入彼波羅捺城其入城已未曾告乞亦更
無有親舊識知當於尔時忽然即有五百金
食來至彼前

尔時長老摩尼婁陀尋時送彼五百金食向
鹿苑中即敷諸座敷設已訖往白佛言世尊

時至飯食已辦唯願就食

尔時世尊日在東方著衣持鉢共諸比丘來至食堂於所敷設次第而坐

尔時長老摩尼婁陀見佛及僧次第坐已奉持如上五百釜食施佛及僧恣飽滿已然後自食飯食亦訖共諸比丘詣向講堂敷座而坐尔時長老摩尼婁陀坐已即告諸比丘言諸長老輩希有希有未曾得見如此之事乃有如此多大果報多大功德多大威勢所以者何諸長老輩我念往昔久遠之時波羅捺城有一貧人無有資財不立倉庫於彼之時波羅捺城有辟支佛依倚而住名婆斯吒當尔

之時其城穀貴人民飢饉乏少者多其城內
外多有死唯見白骨處處狼藉於彼之時
諸出家人乞食難得以飢所逼不能修道當
介之時彼辟支佛於晨朝時日在東方著衣
持鉢入波羅捺次第乞食遍歷彼城全無所
得如本洗鉢還出城去我於介時見婆斯吒
辟支佛尊詣向彼邊到已白言善哉大仙此
處乞食頗得已不彼尊報我作如是言仁者
我今乞食不得我於介時復白彼尊作如是
言尊者若然來至我家於時家內唯有一升
稗子熟飯我即喚彼辟支佛尊令入舍內將
彼稗飯以用奉施時辟支佛受我施已隨意

所去我於彼時爲採薪柴出至城外與尸陀
林相去不遠採取柴木彼林有一白骨屍骸
忽然起來抱我項住我於彼時欲脫彼屍慤
懃用力不能得脫我於彼日日落日將欲
沒時抱持死屍來入城內我入城時人見我
者而告我言咄人何故將此骨屍而入城內
我報彼言是諸人輩我今盡力欲脫此屍了
不能得汝等若有堪能脫者當爲我脫時彼
人輩詳共捉此骨屍牽挽盡力望脫亦不能
得我時漸漸至於家內望欲脫彼白骨死屍
而彼白骨悉變成金自然墮地我於今時作
如是念我以此金不可獨用作是念已即誦

向彼梵德王邊白言大王當知我今地得伏
藏大王受取用爲國寶時梵德王喚諸左右
而勅之言汝等當須隨此人去其人指授悉
皆受取將來向此

尔時左右聞王勅已即時共我來至家內我
即以金示彼使人

尔時使人還見死屍白骨如故見已謂我曰
哉癡人汝不顛狂何故持彼死屍白骨以爲
金也而彼使者還至王所具說前事我於後
時復至王邊而白王言大王當知我得伏藏
事實不虛唯願大王早爲納受時梵德王遂
即自往至其家內見彼金藏還是白骨如本

不異復告我言咄哉癡人汝著顛狂何爲於
此白骨死屍而作金想我復白彼梵德王言
大王當知此實金也非是屍骨如是再三作
是語已我於今時手執彼金作是誓言若此
金寶爲我來作善業報者願梵德王亦如是
見作此誓已時梵德王看此死屍還如我見
金屍不異即告我言善哉仁者汝作何等善
業因緣曾事何神供養何天供養何仙而能
與汝如是願也我於今時白梵德王作如是
言大王當知有一仙人我曾供給此仙人食
必應是彼神力所致令我今日得是果報時
梵德王而告我言汝以造作如是善業故於

今日得此果報汝此果報無人能奪從今日
後不須疑慮隨意而用諸長老輩我於彼時
正以布施彼辟支佛一食之業現於今時即
獲果報所須資財隨意即辦正以施彼一食
之故七反生於三十三天受其福報乃於彼
處三十三天作帝釋王復於人中而為國王
并復得作轉輪聖王治四天下為世界主護
持世間七寶具足乃至降伏如法治化由彼
布施一食果報命終生天從天下生在於人
間命盡復得生於天上流轉如是更不雜生
我所生處恒得最勝上妙宮殿若生人間生
豪貴家資財豐足乃至一切無所乏少如在

天身多受快樂。下生人間亦復如是。以施一
食。因彼果報。今生釋種。我生之日。諸天下來
將五百寶。覆我身上。地下復有五百伏藏。自
然現出。皆以布施一食果報。我之父母爲我
造作三種宮殿。一宜夏坐。二宜冬坐。三宜春
秋。二時居坐。以彼施食果報。因緣我旣生於
釋種之家。我家。介時。遂即日別漸漸增長。所
謂穀米盈溢。倉廩真珠琉璃珊瑚琥珀金銀
玉等無量珍寶。二足四足無所尠乏。又以彼
時施食果報。我在園苑。我母介時欲試我。故
辦具空器。以衣覆蓋。送來與我。至其半路。即
有諸天種種飲食。悉滿其器。彼食香美。大有

氣力又以施食果報力故共父相隨檢校田
作當余之時身患飢渴遂往赴水掬取欲飲
其水變成天妙甘露又以施彼一食之故果
報成熟今來入此波羅捺城未曾與彼委曲
相識自然即有五百金食來於我前我受彼
食遣送林中請佛及僧供奉此食悉令佛僧
大衆充飽藉彼業報我於四事無所乏短我
施彼食果業因緣於世俗樂亦無所乏今者
出家於出家樂亦皆具足以彼施食果報熟
故今斷生死得梵行力所有作者皆悉已辦
不受後有至無畏處至於前所當得涅槃得
涅槃已無樂無苦自然證知諸長老輩我於

彼時乃不識是辟支世尊我若決定知辟支
佛我應尋時更求勝果求大威德應求無上
廣大果報尔時長老摩尼婁陀說前語已重
說偈言

我自思惟往昔時
負賣薪柴以為業
見已布施一食食
其名号曰尼婁陀
拍手歌詠諷頌等
我今已自知宿命
往於三十三天上
彼處或作釋天王

依住在於波羅捺
值遇尊者婆斯吒
故生豪貴釋種姓
善解音聲復能儻
并及一切諸伎藝
及以昔世所生處
於彼七友往來生
及以自在天宮內

一切隨我所造作
復經七反作人主
自在大力降伏衆
如法治化大地中
於我境界悉豐饒
資財增長無有數
世間五慾悉圓備
皆由我作如是業
今於釋種得出家
我爲何故得出家
正以我獲彼利益
出尊知我機熟時

如是治化於諸天
灌頂成就利利王
不行刀兵諸戎仗
多有無量諸珍寶
所生家中大巨富
於諸人中最爲首
七寶諸珍無闕少
不曾生於惡道中
得三解脫甘露處
棄捨家業來於此
故來報佛世尊恩
爲我演說無常法

若有意所幻化身
若我心中有疑惑
佛所說法無分別
我今得聞彼實語
如是即得三解脫
我今不樂此命終
但我所受業至時
我知未來生死處
既知此處命終已
毗舍離境竹林村
於彼林中蔚茂處
亦時出尊以淨天耳過於人耳聞彼長老摩

神通自來至我所
如是皆悉為我解
還為我說無別法
如法愛樂而奉行
即是仰報諸佛恩
亦不愛樂此壽命
正念思惟當捨壽
衆生往來處亦知
亦知往至彼處生
我於彼林當捨壽
漏盡其下入涅槃

屋婁陀說此過去造業因緣今者獲得如是
果報復以妙偈而陳說之聞是事已讚嘆欣然
佛本行集經阿難因緣品第六十

又於一時長老阿難被諸梵行大德人輩勸
請令彼奉侍世尊從今已來盡心盡力意行
調適如來所說悉皆受持從如來口所聞之
事或世間事或出世事悉能受持永不忘失
若有人來諮問所疑亦悉能令彼心歡喜以
是因緣世尊集衆告諸比丘作如是言汝諸
比丘於我聲聞弟子之中多聞利智侍者之
內阿難比丘是其人也
時諸比丘白佛言世尊長老阿難於往昔時

造何善根藉彼善根今生釋種大豪姓家巨
富饒財大有勢力乃至一切無所乏少復以
何業今得出家受具足戒得諸聖法若聞世
間出世間事永不忘失若有諸人來問所疑
亦悉能令彼心歡喜世尊復記謂諸比丘若
知於我聲聞弟子多聞智慧強記不忘最第
一者此即何難比丘是也作是語已佛告諸
比丘我念往昔過去世中久遠之時還於此
處波羅捺城有王治化名曰梵德彼王介時
生於二子一名喜根二名婆奴隋名二子之
內喜根為大其大子者本性調善賢直柔和
多有慈心畏懼諸罪厭離愛有其彼王子見

其城內為諸王事之所逼切縣官苦惱殺害
無窮多有繫閉所謂枷鎖杻械囹圄地牢固
禁斬截手足割其耳鼻挑其眼目既見此事
遂作是念我之父王百年已往我身云何當
治王位我今知用如此王位欲作何事及我
身命亦知何用所以者何今見一切諸衆生
輦以種種苦逼切其身如我今者不如捨家
出家修道作是念已詣父母邊白言父母我
欲捨家出家修道

尔時父母報其子言汝身是我所愛之子不
離心意瞻看無厭我等寧死不能別汝我等
但使身命存在終不相放如是再過喜根童

子白父母言父母當知我今必定捨家出家
唯願父母哀愍許我如是數數諮請父母而
彼父母遂即聽許捨家出家而告之言汝是
我子如汝所樂隨汝意也

尔時梵德喜根王子以其父母許得出家至
於他日捨家剃髮次第修道而悟緣覺能作
神通變化之事放光放水迴天動地興雲致
雨如是等事皆悉能辦彼辟支佛作如是念
我爲何事而得出家如是之事我今已辦已
得已利所作已辦我今可往本生之地憐愍
父母諸眷屬故及餘衆生今作福田
尔時喜根辟支出世尊次第遊行至波羅捺至

彼國已依任彼城父王梵德菴羅林內

余時梵德傳聞他說喜根童子已成大仙還
來於此住我境界我今可往至喜根邊顯現
於彼問評慰喻時梵德王以大勢力嚴盛威
風示現神德從城而出有四兵衆前後圍遶
尔時喜根尊者辟支遙見父來而作是念此
諸人輩梵德王等大有威力我慢貢高我若
隨宜在彼前者梵德王等必不敬我作是念
已飛騰虛空現諸神變坐卧經行半身放烟
半身出火身上放火身下出水示現如是種
種神通

時梵德王諸臣百官見彼尊者大聖辟支飛

騰虛空現諸神變彼等見已作如是念我之
童子雖捨王位今得出家已成大仙有大威
德有大神通其心介時即大歡喜踊躍無量
遍滿其體不能自勝詣彼喜根辟支佛所王
既漸進佛復下空王到其所歡喜敬仰時辟
支佛下任地上即便坐於所敷之座

介時梵德到辟支邊頂禮佛足却任一面坐
一面已時辟支佛少說諸法令王歡喜踊躍
無量顯示善事

介時大王從辟支佛聽聞法已歡喜踊躍白
辟支言善哉大仙今受我請常任我家我爲
尊者當作伽藍經行房窟四事供養心所樂

者悉皆辦與若欲哀愍諸衆生故村落城邑
欲行乞食任意所行我不障礙辟支佛尊嘿
然而受父王所請於時彼王見彼尊者喜根
緣覺嘿然受請即辦種種諸供養具經行房
室四事供養悉持施與自餘須者一切辦給
尔時喜根辟支仙人爲欲憐愍諸衆生故入
城乞食如此之時即得入城其月王子日別
至於喜根仙人辟支佛邊承事供養於諸法
中心有所疑時時往問彼辟支佛其辟支佛
或被婆奴王子所問嘿然不荅唯於諸指出
其光炎尔時婆奴作如是念此辟支佛大有
神通而無才辯

尔時喜根尊者辟支告婆奴言婆奴王子汝
來出家汝今若其不肯出家我定知汝命終
之後必墮惡道若其出家汝亦應當成就大
仙有大神通

尔時婆奴詣向父母白如是言善哉父母喜
根仙人今已出家我今意欲隨出家也唯願
父母哀愍許我而彼父母遂不許可婆奴王
子猶故數數至彼喜根仙人之所承事供養
其辟支佛復數語彼婆奴王子汝當出家婆
奴王子復報兄言父母今日彼不聽我捨家
出家事云何也

尔時王子婆奴面上色相出現於七日內必

當命終。爾時喜根辟支仙人告婆奴言。汝來
婆奴。汝必當須捨家出家。何以故。汝熟相現
於七日內。必當命終。爾時婆奴至父母邊。白
言。父母。唯願放我捨家出家。

爾時喜根辟支。世尊亦即詣向自父母邊。白
言。父母。汝等當放婆奴出家。所以者。何其相
有所聞。若世間事。出世間事。悉皆憶持。永不
忘失。由彼業緣。今所聞事。悉不遺忘。

長老阿難比丘。又時日在東方。著衣持鉢。往
入舍婆提城。乞食去。彼祇樹給孤獨園。猶未
至於舍婆提城。於其中間。有一大樹。名尸奢
波。其樹蔭下。多有一切諸婆羅門。止息其下。

諸婆羅門遙見阿難來欲到邊各相告言汝
輩當知此是沙門瞿曇弟子於諸聰明多聞
之中最第一者作是語已阿難便至白言仁
者今請觀此尸奢波樹合有幾葉

尔時阿難觀其樹已而報彼言東枝合有若
千百葉若干千葉如是南枝西枝北枝皆
合有若干百葉若干千葉作是語已遂即捨
去尔時彼諸婆羅門輩阿難去後取百數葉
隱蔽一邊阿難迴已諸婆羅門於是復問仁
者阿難汝復來也乞更觀此尸奢波樹有幾
多葉

尔時阿難仰觀樹已即知如是婆羅門等所

摘藏葉若干百數便即報彼婆羅門言東枝
合有若干百葉若干千葉如是南枝西枝北
枝亦言合有若干百葉若干千葉作是語已
便即過去

尔時彼等婆羅門輩生希有心未曾有心各
相謂言此之沙門甚大聰明有大智慧諸婆
羅門以此因緣心得正信得正信已其後不
以悉各出家成羅漢果

尔時復有長老分那婆素

隋言并宿

長老宮毗羅

蛟龍長老難提迦等如是三人唯得知其出

家由緒不知所生因緣之事亦不知彼於往
昔時作何業也

受具足戒得諸聖法其於彼時乞如是願願
我來世若當值遇如是教師我於彼邊得作
侍者供養彼聖藉彼業報今於我邊得作侍
者供養於我其於彼時又乞是願我於來世
得大神通得大威力藉彼業報今得成於如
是大聖得大威力其於彼時又乞是願若有
人來問所疑者我悉爲彼分別解說令心歡
喜藉彼業報今日阿難有人來問心中所疑
皆悉爲解令心歡喜

尔時佛復告諸比丘作如是言汝諸比丘我
念往昔久遠之時波羅捺城其城有一大富
長者名曰僧薩他隋言正安其彼長者大富饒

財多有生業猶如毗沙門天王無異家中日別
恒有五百辟支佛來向其家食其時而有一
辟支佛所持之鉢下底尖小如牛乳形其鉢
所安或在草上或簾薄上隨即傾倒不得安
住彼時長者僧薩他那有一女子可喜端正
女相具足其女見彼辟支佛鉢傾倒不住即
自脫釧奉辟支佛而白之言唯願大仙取此
釧用安其鉢下尔時彼仙爲憐愍故即取此
釧用安其鉢而彼鉢盂遂不傾動於時彼女
既見此鉢更不傾動安住釧上歡喜踊躍遍
滿其體不能自勝心發是願如此仙人鉢安
釧上不傾不倒我於來世所聞如是若世間

事出世間事悉令憶持

尔時佛告諸比丘言汝等比丘若有心疑於彼之時長者家女今爲誰者莫作異見此即阿難比丘是也由於彼時以歡喜心自脫手釧以奉尊者辟支仙人安置鉢器因發是願如此仙人以鉢安釧不傾倒故願我來世若

出現七日之內定當命終以此因緣父母必當與彼別離以是之故寧放出家在於法內取於命終莫令在家取命終也父母報言婆奴王子於七日內必取命終與我別者我今當許捨家出家

婆奴王子當於尔時即剃髮鬚著袈裟衣其

出家已於七日中供養恭敬事彼喜根時辟
支佛教授威儀過六日已至其七日定知命
終哀愍彼故從坐而起飛騰虛空經行坐卧
放烟放火隱身不現種種神通婆奴仙人見
彼喜根辟支佛尊於虛空中現於種種神通
變化見已心生歡喜踊躍遍滿其體不能自
勝合十指掌頂礼向彼辟支佛尊既頂礼已
發如是願願我來世恒值如是辟支聖人或
勝此者彼所說法願我聞已悉令通解又願
我身於彼聖人得爲侍者供養彼聖又願來
世得諸神通所有威力皆如此佛若有來問
我之義者我悉爲解令彼歡喜又願生生世

世之中不在惡道

尔時佛告諸比丘言汝等比丘若有心疑於彼之時婆奴王子於七日內供養於彼辟支佛尊受教法者莫作異見此即阿難比丘是也於彼之時婆奴王子以歡喜心供養喜根辟支佛故以彼業報今得生於釋種之家而於彼邊乞如是願願我生生世世之中不墮惡道以彼業報所生之處不曾墮於惡道之中唯生人天流轉往反受大快樂而於彼時復作是願願我來世值遇如是教師聖人或勝此者彼所說法願我一聞即得知解以是業報今得值我如是教師又於我邊而得出家

或問曰當何名此經答曰摩訶僧祇師名為
大事

薩婆多師名此經為大莊嚴

迦葉維師名為佛往因緣

曇無德師名為釋迦牟尼佛本行

左沙塞師名為毗左藏根本

佛本行集經卷第六十

籍

依倚

其尔反

飢饉

下渠反

裨子

上菲反

咄

丁骨反

盈溢

下夷反

蔚茂

上音

囹圄

上音

擿

責字

由緒

下音

倉廩

下力反

